

Longyearbyen, di statt boda di laüt mang nèt stèrm

A Longyearbyen, piccola città norvegese nelle Isole Svalbard, vige il divieto assoluto di morire ed essere sepolti in città. Il cimitero cittadino è stato chiuso e dal 1950 nessun abitante è stato più sepolto nella zona.

'Z parir eppaz njánka zo maga gloam un anvètze iz pròprio asó: 'z izta a statt, in Norvegia, boda 'z récht khütt ke di laüt mang nèt stèrm un dar vraithof mocht stian gespèrrt.

Disar platz hoazt Longyearbyen un iz ummana von stattn von Isole Svalbard. Di Svalbard soin in Mer Glaciale Artico un soin di plètz mearar a nòrt vodar bëlt z'soina no gelebet vo eparùmmaz.

Longyearbyen iz da gròazärste statt von sèllnen von Svalbard un von djar 1950 di laüt mang neméar stèrm un khemmen bogràbet in di statt. 'Z izta khent auzgemacht ditza umbrómm di laüt boda lem sèmm hâm darvèrt ke dar laip vo soin toatn, a bòtta bosa soin khent bogràbet, iz hèrtà gestànt ingàntz,

åna zo darvàula. Dar laip von laüt boda soin gest gestorbet iz hèrtà gestànt geläch umbrómm in disan platz iz asó khalt ke 'z iz quâse hèrtà untar zéro un peng ditza di earde steat hèrtà gevrórt. Un asó, azta di earde iz gevrórt, dar laip von bogràbatn laüt steat o gevrórt.

Ditza macht nèt lai aukhemmen di hennehaut ma 'z iz eppaz boda magat soin perikolósat o. Defatti, azta dar laip von toatn steat ingàntz, billtz munen ke, azta a mentsh iz gestorbet peng an virus, makz auzvalln ke dar virus o steat lente attn laip von mentsh. Un ditza iz eppaz boda iz vürkhen.

'Z djar 1998 dar dokhtur Kirsty Duncan iz gânt pitt àndre kolège in disa redjóng zo studjàra in laip vonan mentsh boda iz

gest gestorbet in di statt balda izta gest di Spagnola. Di dökhtür hâm gesek ke attn laip von mentsh izta no gest lente dar virus vodar Spagnola vo balda 'z mentsh iz gest gestorbet. Un asó hâmsa vorstànt ke, azta dar permafrost berat zorgànt, di laüt boda lem in disa redjóng hettatn no gemak vången in virus.

Un asó izta khent auzgemacht ke di laüt hâm neméar gemak stèrm un khemmen bogràbet in disa statt, un balda eparùmmaz häut steat letz khintz lai gevüart attna 'n åndra sait.

Di toatn von alt vraithof soin khent alle augenump un vorprénnt un est, boda iz gest dar vraithof, soinda lai di kraützar zo gedenkha di laüt.

E.v.K.

Di sbemmar ren neméar azpe biar

Un tempo i prodotti del bosco venivano raccolti dagli abitanti di Luserna e ciò costituiva una importante fonte di guadagno. I tempi sono cambiati ed i boschi sono frequentati da tanti fungaioli "stranieri". L'introito non c'è più per le famiglie, ma per il Comune che vende tanti permessi per la raccolta funghi.

In aldar vrüa, benn 'z hatta gisunk dar hâ, di Maria iz augistànt, hatt gèzzt an amblétt Pittar marmelàda vo hennepern un gitrunkt an baizan kafé, dena izzese ágilekk: telàra, khopftuach un stivéln, hatt auginump in rukksakh, di zumma pittnan mezzarle un in stékh un, no tunkhl, izze gânt in balt zo süacha sbemm. In sèll mórgas hattze gihatt in sint zo macha a länga kheare: gian geràde in di Kost, atti Markè, in Djau un khearn bidrùmm pa Kostesi, Bisele un Gaso. In a par plètzla hattze givuntet vil un schümmane brigálde, si hatt augivüllt di zumma un in rukksakh o. 'Z iz gest auz pa höbiat (ludjo) un hattà ágiheft di "butàda": asó hattze gehatt in sint zo giana alle tage un soi sbestar Frida berat gânt zo vorkhoavase attn merkà vo Tria. Asó, in tage darnà, di zboa sbestarn soin augistànt palle: ummana zo giana na sbemm un d'åndar zo vorkhoavase. Di Frida,

pittn sérlo voll, iz gânt zo vuaz zo Kalnètsch, sèmm hattze givânk in treno, argisotzt a Povo un nidar pa pontàrn fin attn merkà. Balse hatt gehatt vorkhoافت alle di brigálde, hattze gekhoافت an sak mel un, gidukhtzat attn rukkn, izze gikheart bidrùmm in länt.

In di achtzegar un noüntzegar djar soinda no gest vil sbemmar in länt, di meararstn soinz gest baibar un khindar un vor di famildje iz gest a guatar gebinn. Ma hatt nèt gimocht gian ka Tria: 'z soinda khent di khoavar zo nemmase odar ma hattzen gëtt, ume mearar gëlt, in hearn. In ta' vo häut di fremmegen "hearn" khemmen in ünsarn beldarn un di sbemm lesansase au alle se. Di baibar mang neméar auziang gëlt vorkhoavante sbemm! In pa beldar hooartma neméar ren azpe biar, ma höart: "ciò à, a go cata".

S.F.

An martzo (squâse) åna Martzo



Le tradizioni tramandate da decenni hanno visto negli ultimi anni un arresto dovuto alle norme dettate dalla pandemia; il mondo è cambiato, è giusto rincorrerlo con nuove idee ricordando anche il sapore degli antichi rituali.

'Z djar 2020 un ditza djar o, gesichart, bartin khemmen gedenkht vor alln in sachandar bobar nèt hâm gemak tüan: khummane Trè Rè, khumman vaschom, né haür un njánka vert, un khumman martzo o. Ántze, zo pensàra gerècht atti tradizióng vo Lusérn, mochpar khön ke bar soin gestànt åna protschessiù vodar Madònna in madjo un in agosto o, un bartin seng bazpar mang tüan haür pitt ditza o.

'Z länt vo Lusérn un di lusérnar soin hèrtà gest starch ágepunctet in tradizióngen: a momént z'stiana alle pittnàndar, zo gedenkha ünsarne altn. Ma ditza djar o, dar sèll hauf holtz sèmm atz Kraütz, bartaz gedenkhan alln bia

ünsar lem iz gebèkslt in lest djar, bia bar soin gebèkslt biar: mabar fürse khearn zo khemma geläch azpe an earstn? I pensàr vo no, i pensàr ke, oramài, di bëlt iz neméar da sèll vo hèrtà un biar mang lai provàrn nàzostiananar, pitt naïge idee un innovazióng.

Vor eparéppaz ditza iz sa khent gemacht: di miss, 'z petle un a par a funeral o, soin khent gelatt seng attn kanàl vo youtube vodar "unità pastorale Regina della Pace", sichar 'z iz nèt azpe soin in di khirch ma, di laüt boda soin vort o, mang höarn un seng in sèll tökko vo Lusérn o.

Di tradizióng von Drai Rè o iz khent gemacht von Kulturinstitut, atti rete internet un dena gelatt seng att Zimbar

Earde, asó soinda khent gehaltet pittnàndar di khindar boda soin hèrtà gânt haus vor haus zo singa in kantzù. Asó izta khent getânt pinn martzo o, boda iz khent vorprünnt von pompiarn an sunta abas un bart khemmen gelatt seng att Zimbar Earde: biar mangen lai seng vo dahùam, pensàrante atz djar boda iz verte un speràrante in naïge; gedenkhante di schümman, barmen moméntn bobar hâm pasàrt sèmm in di vorgànnatn djardar. Ún bartin seng ke, balda allz bart soin pasàrt, barpar alle schètzan mearar alle di okkasióngen zo leba ünsar länt, ünsarne laüt un ünsarne tradizióngen!

Giada von Galèn

Istituto Cimbro
Kulturinstitut Lusérn
Tel. 0464-78.96.45
info@kil.lusern.it
www.istitutocimbro.it



HAÜR IZ NÅ ZO MACHA AN DJÜSTN BINTAR, SAIBARAZ LAI VORGÉZZT VON SNAIBAR VONAR BÒTTA?

In pon von bintar



Quelli della mia età hanno visto parecchie stagioni invernali cariche di neve; genitori e nonni ci hanno spiegato come gestirle e prepararsi al meglio per superarle in attesa delle belle stagioni. Da diversi anni il clima è cambiato e ci siamo un po' disabituati alle abbondanti nevicate. Quest'anno è tornato a fare l'inverno, ma ve lo ricordate quello del 1985/86?

'Z iz sa ettlane tang bo 'z snaibet un bill pròprio nèt auhöarn. Di laüt boda mang soin alle vorà soinat tür zo schauvla, ma 'z darkhlékhten bintsche. Dar snea khint abe asó starch ke ma seta nèt auz un izta neméar platz auzohaüvranen. 'Z soinda zboa tratördar boda süachan zo schupfa un zo stumpfa atti saitn ma sa dartüanz nèt auzoroima di beng, sa mochan sèmmazzan, dar snea halteit allz au, est iz allz augedekht baiz. Dar stradù iz o voll un njánka di groazan slitù vodar provintz gerivanda zo putza. Offezotüana di groazan beng hâmsa untargelekk di ruspe un di skavatör ma vor seandre o iz starch sber. Atti téchar di antenne soin gedekht, un di khemmechar tempfan auz pa löchar drinn zboa métre snea, est mochtma áhevan abezoschauvla. Di laüt hâm alle zèzza un zo darbèrmase ma azza hettatn vortzogiana bahémme? Alle hâm gesüacht zo viüara pazaitn di aute in platz umbrómm vo sèmm beratz gest destrar partirn attz hettatn servirt. Aromài soinda lai staigela ummar pa länt un di laüt mochanse drukhan inn pa maurn snea zoa auzzonemmase, anagliadar schauvlit an tökko un fra alle khinta offegetànt 'z begele. A mentsh pittnar länga kafèdata tònegà khint vür schupfante a khulumma turbina boda plast vort bait in snea, ma darkhénnten lai, 'z iz dar Padre Paolo pitt soin "Stiar", er macht abe daz gânt länt un helft alln in laüt: "steat luste liabe tschelln, est saibar in pon von bintar ma dar längz kheat hèrtà bidrùmm, hältet hoach di hèrtzar!"

b. n. motze

ARTICOLO NELLA VARIANTE CIMBRA DELLE VALLI DEL LENO

Frau Perchtega

Chi custodisce le anime dei bambini non ancora nati, immerse nell'acqua, simbolo della vita? È "Frau Perchtega", figura mitologica a Lusérn, presente, come solo pochi sanno, anche nelle Valli del Leno (Laimpachtedlar), precisamente ai Zoreri in Laim (Terragnolo) e sul monte Spil posto tra Vallarsa (Prànttal) e Trambileno (Trumelays).

Ats Lusérn, aspe alle bissan, di "Frau Perchtega" hüatet di sealn vo di khindar, ke no nèt soinda gebortet, in väsar voll pitt bassar in a hól. Benn in a schaüladar temporàl biar höarn rümlin, hoast ke di vrou Perchtega spuelt saine väsar.

Nèt alle bissan, ke affn pèrge Spil in Prànttal lebet di "Properta". Se hatt nèt di vuas vo a vrou, ma di vuas vo a goas un hüatet di sealn vo di khindar, ke no nèt soinda gebortet, in khesslar, ausgehölt in skaffan, voll pitt bassar, in an platz ke hoast "Kamer". Dice khesslar soinda no häutzotage.

Darzùar, obar Zoreri, a khulummas un mèchte alts länt in di Laim, nidarnâ hügl vo dar Keserle is no häutzotage di hól, bo lebet di "Fraopèrta". Nidarnâ vo disa hól is an åndara hól, bo lebet dar "Fraostùm", soin mân. In di hól vo di Fraopèrta is no häutzotage an naschénète pèchle, benn s'renk. Benn anvètze is an naschénète pèchle o in di hól vo dar Fraostùm, hoast ke khinta an starch un schaüla bëttadar.

Aspe ma kontärt no häutzotage, in Prànttal un o in di Laim, di Fraopèrta (odar Properta) geat, pittn zboa zumman aff dar sérlo, vo dar pèrge abe fin dar Laimpach, bo se vüllt di zumman pittn bassar un vorliart net a trupf durch di löchar vo di zumman! Se tragt dar vrischa bassar affn pèrge zo di khindar.

Basda nèt vil bissan, is ke "Frau Berchta" is o in Bayern. Biar hâm di gelàicha burtzan!

Prof. DDr. Hugo-Daniel Stoffella vulgo Menlo

Avviso - Mèldung

Da KIL macht bizzan ke dar iz nà zo süacha an naüng direktór; zo geba inn di domànda izta zait finn di zbölve von fintzta 11 von lentzmånat. Zo bizzasan mearar tüat gian atti websait von KIL.